مافيهاش كوابيس أشرف الشافعي

مافيهاش كوابيس / شعر أشرف الشافعي الطبعة الأولى ، ٢٠١٨



دار اكتب للنشر والتوزيع

القاهرة ، اش المعهد الديني ، المرج

۱۲۲٤٤٠٥٠٤٧ : هاتف : ۲۲۲٤

موبایل : ۱۲۹۲۰۱۰۹۲

E - mail: dar_oktob@gawab.com

المدير العام :

يحيى هاشم

رقم الإيداع: ٨٥٨٥/٢٠٠٨

تصميم الغلاف:

الفنان : سامح الطويل

جميع الحقوق محقوظة©

مافيهاش كوابيس

شهـــر

أشرف الشافعي

الطبعة الأولى

Y ... X





لـــــ ... محمد

الواقف ورا سور بلكونة روحي

يشاور على بكره .

ول____ ... همسة

البنت اللي صالحت الدنيا عشانها.

ولـــــ ... نادية

أول ضمى حنين ف ليالي القسوة .

ولصاحبي ...

اللي انا مش فاكر ليه بقى صاحبى

واللي انا مديون له بحلم مايستهلوش


و لأصحابي ..

اللي انا مش ح الحق أوفي لهم ديني

يمكن. تجمعنا أماكن ...

مافيهاش كوابيس !!

أشــــر ف



وانا لسه طفل وحید بین اربع بنات کانت امی بتوشوشنی بالأمنیات کانت تقوللی بکرة حتکون عظیم لکنی لما کبرت کان بکره مسات!

حامد البلاسي

أنا بابيع الحى بالميت وبدون تردد بادوس ع المكسب المحسوس علشان عيون فكرة ف علم الغيب !

فسؤاد قاعسود



مدخل

```
ربى ...

لو كان مكتوب لدعايا...

إجابة وحيدة

فانا نفسى أموت ...

مطمّـن

أصل انا من يوم ...

ماوعيت ع الدنيا

ميت م

ل

و
```

٩



حفرت ملامحك فوق حيطان الذاكرة عناوين دخولك للحذر سرّبت جوايا الفضول علشان يراقبك علشان يراقبك تفاصيل دهاليز الوجوم فاتسللت .. فاتسللت .. في جوارحي رغبة ف الميلاد ياهلترى .. بعد امتلاكك ف انفعالي بعد امتلاكك ف انفعالي هو اللي خلاني ارتعش هو اللي خلاني ارتعش ولا نضارة طلعتك

1 4

كل العصافير اللي كانت ..

يوم ميلادك محض غيب
إتعلمت إزاى تطير
إتعلمت ..إزاى تلقط رزقها
تلقلها عش يضمها وقت المغيب
وانت اللي سجناك خطوتك
ف عيون متاهات الدروب
تستني ف الحلم اللي رافض ينصفك
غير الانسحاب ؟!!
غير الانسحاب ؟!!
غير توهة ف سنين الغياب
ويا دوب...
شوية أمنيات

مستنی ایه ؟

كفياك سكوت

مستني ايه ؟

عاشان تسيب برد التابوت ..

لبراح دفا ...

حضن الشموس المشرقة ؟

إرجع بقى

قطع خيوط العنكبوت

واهدم جدار الشرنقة

واهرب من الخوف المحاصرك

في الدروب الضيقة ..

إرجع بقى ...

إرجع

ق

ی

إيه اللي عَجَبَكَ ف الغنا؟

واقف على حدود المسافة بين غيابك... وانفعال نبضك بشوقك للرجوع خايلت مشاعر غربتك زخات وميض الائتناس بالبوح وانت ولاحيلتك ونر و لاملك إيدك... غير رماد الذكريات والتوهة بتصارع ف رجليك التُقال لا قدرت تفتح خطوتك عكس اتجاه الريح ولاراضية تعفيك غنوتك م الدق ع الابواب إيه اللي عَجَـبُك ف الغنا ؟! خلاك تطاوع ندهة التفاعيل؟ مين اجتباك تشعل فتيل الحرف ف جبال السكوت ؟

مين استباك ... خلاك شبح راجع يقايض كلمته بالموت ؟ طب م انت جربت الغنا وعاندت لحن بيكرى ع الغنوة لعنة نشاز المحنة والتباريح أخدت إيه غير وقفتك ف ضل كونشرتو الوجع ؟ أوركسترا الخوف والضياع لساه وراك واقف بيعزف لحنك الملتاع وانت بتشيع معاه صمت انتحار المعني

شياط البرفانات

(مدخل)

شکراً یاعم صلاح النص دا ... ماکانش مکتوب له یعیش لولا انی فجأة سمعت ((ماجدة الرومی)) بتغنی !!

(قصيدة)

نيه اتخطف لون وش شبابيك البيوت أول مابدأت صرختى تعلى ؟!! هل جرحت الندهة الأخيرة

ف حلقى إحساس الارتباح ؟ و لا خطاوى الاشتياق قلقت منام الاعتياد ع الكبت ف قلوب الصحاب ؟!! مابقتش بافهم ف انفعالات الوشوش من يوم ما بايعتنى الشوارع .. ع الغياب و لا حتى قدرت رهبتى .. من عند كلاكيت البعاد تجمع شتاتنا... ف حضن ركن ف قهوة ورا (شارع فؤاد) (أدى اللي كان ... وأدى القدر ... وآدى المصير نودع الماضى بحلمه الكبير)**

ما فضلش إحساس تلمسه رعشة مواعيدنا اللي طالَّة من الغياب تستجدى فينا الالتياع بوخز تفاعيل اللقا (راح اللي راح ... ماعادش فاضل كتير)** ممكن تكون استسلمت فينا الحياه للاحتضار ؟ ولا احتضار الحلم غرر بالحياه ؟ وداها لمفارق طرق حاصرت حروفنا الخارجة ... من جب اغتراب بالأغنيات الهلس واللحن الردىء (ايه العمل .. ف الوقت دا ياصديق)** مابقتش باحفظ .. من قصايدنا القديمة غير (سالومي) اللي ابتدت *١..

تجتاح دیار کانت (أمیمة) *۲۰۰۰ بتشتهی تزرع ف تکاعیب ضلها رغم (انفعالات العنب) *۳ یاسمینة تتحدی بنضارة حلمها ریحة شیاط البرفانات یا (براءة المصد العنید) *۶ ولا انتهینا لبرافانات مرحلة واذا کنت واهم واذا کنت واهم ولا اواصل الانهیار دلوقتی أندم ولا آعیش ولا أعیش

(وأرجع واقول .. لسه الطيور بتفن والنحلايات بتطن والطفل ضحكه يرن مع إن... مش كل البشر فرحانين) **

 ⁽۱) سالومی قصیدة للشاعر / حسنی منصور.
 (۲) إشارة لدیوان الدیار التی لأمیمة للشاعر/ علی عبد

ألدايم . (٣) إنفعالات العنب ديوان للشاعر/ صادق مين .

⁽٤) إشارة الشاعر/ محمود عبد الصمد وديوانه حديث العند بن البراءة . ** مابين الأقواس من أغنية مفترق الطرق للشاعر

الراحل / صلاح جاهين .

¥: . .

تشريفة

جايز تفرق
لو سلمت لإحساس تايه
او سلمت لإحساس تايه
اومى الداكن مفتاح الفكرة اللى احتلت
مفتاح الفكرة اللى احتلت
واختارت تفرد لجنونها
مساحة جديدة ...
ف شوارع شرايين الروح
ممكن جدا ...
تبقى محاولة بعث جديدة...
لحالة اتوئدت
جوّه خلايا الحلم اللاهث

بضرورة دوران العالم ... بره حقیقتی وانا جواه ببراءة مريبة و اقف باتفر ج على نفسى وباردد شعارتي الرافضة لازدواجية عرفه السايد . وتناقض قيمه الموروثة اللي باحاول دايماً بيها أهرب من إحساسي بعجزي عن تفسير الفوضى الساكنة ف حوارى كيانى المرصوفة .. بدم البوح ممكن أقدر ... بعد ما احید کل مشاعری و اخرج من حالة غليانى أرجع تاني أستقبل نظرات الشفقة ف عيون الرصفان ...
والشارع ؟
وأضحك تانى
ف وشوش التشريفة الواقفة
صفين على ناصية إجاطى
نتهامس على فشلى الواضح ...
ف ال
ب

ر؟!!

موت اختيارى

(1)

ف شروخ مرايته الباهتة شاف تجاعيد على وشه الإزاز التجمعت كل الحروف حوالين جوارح رهبته برواز واما لمح بكره القديم بيفر ف الكراريس مالت هجائية هزاله بترتجف على ضلة العكاز كان منحنى ... كان منحنى ... واخد هدف ثابت ... لحضن الخوف لحضن الخوف

سقطت حروفه ...
صرعى فى الأخدود
خانت حصانه ...
غابة المتاريس
ماقدرش يوصل...
آخر المشوار
ما لحقش يرفع ...
كان إنهزام سيفه الخشب
كان إنهزام سيفه الخشب
على تل طواحين السراب
آخر محطات الاحتضار
إختار يعيش مسجون ...
ف حضن تابوت
وماكنش ممكن ...
يمنعه م الموت !!

(Y)

ف مدافن الحكايات وف وسط موكب م السكوت المستديم ومابين دروب جبّانة النسيان وف قلب حفرة عزلة عن طهر الزحام ودعت واحد ... م اللي كانوا ف يوم صحابي .. لحد مثواه الأخير وبدرت على حزن الفراق كومة غيوم ... إتجمعت ف القلب لحظة موعظة وقريت على باب المقابر آية م الذكر الحكيم ودعيت يكون...

آخر رحیل
ف هوامش التواریخ
لحد تانی من الصحاب
حاول یعاند
حکمة الملکوت
وما کنش ممکن ...
أمنعه م الموت الل

بقى شكلنا بايخ

كان ابتهال حزنك لفرح بعيد يشبه لحد كبير شكل انعدام الوزن لغنايا ضدين رمونا ف جبهة خسرانة للم ف بواقى التذاكر من محطات التعب ونطارد النحس العنيد بالتريقة من خوفنا نطبوق ... زوغنا م المحنة ... لهموم ماهش لينا ودخلنا حلبة سبق ورا كدب صدقناه مستفردين بالوجع وندالة الدنيا (زى عواجيز المياتم ...

لما يستحلوا العديد) عفرنا أرواحنا الغشيمة ... بمشية الجنازات و خلفنا مواعيد البنات ف كازينو ع الكورنيش ووقفنا نتلقى العزا ... ف أموات مانعرفهاش غمينا شوفنا الكفيف بالأمنيات البكر ونذرنا مشاويرنا البريئة ... لريح مابتحنش ووقفنا نتسند على ضل فرح لئيم واما ف أول حزن ماضحكناش بقى شكلنا بايخ واستسلمت حكاينتا للتنهيد إحنا اللي ياما شمتنا ف الحواديت و سذاجة النواريخ بقينا نهرب م اللقا ف الحلم

تشتاق لى ف خيالك وأحن لك ف السر ما احناش صحاب .. إلا ف هروب أحلامنا برانا ودخولنا ف التوهة ما احناش صحاب .. غير ف امتلاك الأسى والقعدة ع القهوة !

كاد لازم ألبس كرافتة ونظارة

مش عارف إيه خلانى البسلك كرافتة ونظارة مع إنك مش حد غريب يمكن علشان التعودت خلاص ما أقلقش عليك وإطمنت إن انت لقيئلك عالم تانى ... عالم تانى ... ياخدك من وجعى اللى عملك .. أزمة كبيرة ف آخر ست شهور بس انا فرحان ... علشانك شايفك متصالح مع نفسك وانت بتهرب من ... ك

مش ناسى ميلادك ولا حاجة بس انا كان نفسى اقولهالك بعد ماتخلص سجايرنا وانا باحضن روحك وانت سايبني وماشي.. ف أخر السهرة قبل ما اقولك .. تصبح على خير وانت بتفتح أول شباك على فجر التلاتين واستنبتك ف (غنيم) بس انت استكترت عليا أقولها دلوقتى .. لو طلعت مني حابقى كأنى باعزيك ف (جمال عبد الناصر)!! ما تخافش انا عاذرك

وأمنت خلاص إنى ما بيعيشليش أصحاب يااااه ... نسيتنى أقولك إمبارح خدت الفيزا وتصدق .. ماحزنتش خالص !!! واضح إن انا مابقتش استحمل .. حزن جدید مع إنى قعدت أعد هزايمي ولقيتهم زادو هزيمة أهعلى فكرة كمان عايزك تطمن خالص من فترة طويلة و (همسة) ماعدتش بتسألني سؤالها المعتاد فين عمو يابابا ؟!

 ^{*(}غنیم) مقهی بمنطقة میامی بالأسكندریة .
 *(همسة) ابنة الشاعر

حلم سكوووب

هانت ...

کلها جرح و کام تنهیده

و کام دمعایه

ویبقی معایا ...

الحل السحری لکل مشاکلی

وضروری ح یتغیر شکلی

لما أشیل ببساطة شدیده

مکیاج الدور المتهالك

من فوق تجاعیدی المهزومه

و اطلع بره ملامح كادر ...

الدور الثانوی

ف الفیلم الهابط بکیانی لآخر درجة

من درجات المجد الزایف !!

هانت... جدا كلها أهة... وكام تبويزه و ابقى مهيىء أعالج نفسى من الإحباط وأقدر ف دقايق معدودة ألبس وشي التاني بسرعة وادخل جرىٌ على البلاتوه وأشاور للكاميرا CLOSE وابدأ العب أول مشهد يشهد بعده ... جيش الكومبارس المتنتور ... ف الأستوديو ببراعتى ف تجسيد الحالة اللى استخسر فيا المخرج إنى أعيشها!!

٤.

هانت...فعلا!! كلها عمر جديد - كالعادة -أو عمرين !! يمارسني خلالهم تهميشي ف زوايا التصوير الخارجي للمرة التسعة وتلاتين بعدها ح اقدر أخد راحتى ف معایشة دوري المرسوم لي بكل عناية في المشهد الماسترسين!! هانت ... خالص كلها طعنة غدر جديدة ماهش مقصودة !! وبعض وشاية بحسن النيه وأمارس هواياتى الحرة ف سجنى المفرد

ف مبارزة .. البطل الأوحد للفيلم الجاهز مونتاجه ... تمهيدا للفوز بالأوسكار و ابدأ أسكر ... أسكر حزن لحد ما افوق واسحب سيف الوهم الباهت واغرز همه في غروره اللي استعبد حيرتي واستعذب إبهار العالم بملامح بروفيلي الجان.. وفتولة عضلاتي النازفة وأفضل اكرر نفس المشهد واتلذذ بملامحه الخايفة وهو بيبلع ريقه سكوت ما انا ياما لإهاناته سكّت من غير ما اتلفّت للخلف

وبدون مايفوقنى المخرج أو صوته اللي بيعلى ب Cut من بين شباك الكلاكيت!!

هانت ... طبعا

كلها ضربة حظ قوية ..

تحر ف نفسي وما تصبنيش ..

وتوصى لجان التحكيم

في جميع مهرجانات العالم

ف مشاهدة للعرض الخاص

للفيلم الأول من نوعه

بالجايزة الأولى لإبداعي ...

قصدى ضياعي !!

واما ح تخلص آخر لقطة

وتموت الشخصية الساقطة

ف خلفية وعى الجمهور

ينزل لون التتر (أحادى) ...

قصدى رمادى !! بعده ألاقى بؤرة شاشة العرض بتكتب كلمة كتير حبيت أسمعها لكين ماقدرتش **END** من أخر زاوية ف أحزاني أصرخ (فركش)...!! أستأذن م الكرسي الجلد وأفرد طولى قصاد الشاشة ... بكل هدوء وبنص البسمة اللي بتسخر من سخف الجمهور وال cast أتهادي وبكل تعالى فوق سجاد كوريدور القاعة واتظاهر بضألة صحفى ٠٠ مقرب ليا

وارفض اجارى أحداث المؤتمر الصحفي واتفادي فلاش الكاميرات ... واخرج للعالم من تاني.... بشكل مغاير وابدأ أساااااااافر لمدينة بعيدة ف طموحاتي حاضنها البحر يصاحبني ساعتها على بلاجه يبدأ يغسل فيا بمـــده ... زيف الشهرة ويرجّع دوبلاجه لحزني ... وضعه العادي وأبدأ أقرا سيناريو يخالف كل الماضىي لفيلم جديد واتجاهل توصيف المخرج

للدور اللي اتكتبت عمداً ... كل حروفه بشكل ردىء وبحبر مخاصمه الإحساس ولا احسش أبدأ بالضيق واقنع نفسى بإنه مناسب وانه مؤثر في الأحداث وأما أفوز للمرة التانية / العام التالى .. بنفس الجايزة ح اشرط على لجنة تحكيمها قبل ما أتسلم تمثالها يلغوا تماماً ... ومن قواميس السينما بحالها أى ملامح تشبه نكرى ... أو خيالات ... بتكون فكره

عن ...

.,,,,,,

.....

•••••

.....

.....

د

و

ل

ي

ر !!

٤٧

έ٨

و كأنك مش واخد بالك

خمسة وعشرين سنة فاتت وانا زعلان من ابويا عشانك من يوم ما اتريقنا على استاذ العربى كان بيقول:

((المستحيلات ف الدنيا تلاتة العنقاء .. والغول .. والخل اللي مابيخونش)) يومها هلكنا من الضحك عليه ورفعنا إيدينا ف نفس اللحظة قلناله :

المستحيلات إتنين)

فطردنا من الحصة وقال: مجانين بصت لك يومها وخفت يكون الأستاذ على حق واما رجعت ف إيدى ... جواب الفصل لابويا زعق فيا وقاللى معيط (عبيط وصاحبى وصاحبك ع القهوة) لوشافنى معاك ماح ابات ف البيت ماح ابات ف البيت اسبوع وغبت عن البيت اسبوع وإمبارح ...

جه على بالى الموضوع

وانا شايفك عامل نفسك .. مشغول بالطاولة وبتهرب للقواشيط من عينى اللى بتنزف هم ويتلعن عند الزهر وكأنك مش واخد بالك من عند الدنيا معايا خمسة وعشرين سنة فاتت وانا مش فاهم وامبارح بس فهمت ومشيت ... وانا باقرا الفاتحة ف سرى لابويا

والستاذ العربي!

تمللي تطلعلي لسانها

باحلف له على المصحف كل ما اقابله إن انا مش باكره عبد الناصر مع إنى .. مش عارف احبه مش عارف احبه اللى لغاية دلوقتى اللى لغاية دلوقتى على ذكرى كاريزما الرعشة المدبوحة ف صوته لكنه بيتعصب ... كل م اقول ع النكسه هزيمة صاحبى المهووس ماحبى المهووس ف ميدان المنشية في ميدان المنشية وبحلم الإشتراكية

وطوفان المد القومي الجارف !!! ف بداية النص التاني من القرن العشرين مستغرب جداً!! علشان مابجبش ف شعری سيرة الثورة مع إنى معارض فكر التوريث ومزاد البيع الأجل للكام قنطار الباقيين من ريحة ابويا ف مكن الغزل ... ف مصنع (باكوس) معذور مش قادر يفهم إن انا مش زى (البنت اللي مابتحبش عبد الناصر)* مش قادر يفهم إن أنا مش ح اقدر اغير شكل الأربع أرقام الله تمللي تطلعلي لسانها ف بطاقة الرقم القومي وتمللي تفكرني إن أنا من مواليد الخامس

من يونيه سبعة وستين !!

* قصيدة للشاعر / أحمد الخبرجي

3

; :

مافيهاش كوابيس

دلوقتی ...
ماعادش بیضحك
مع إنه ماكانش بیعرف
غیر بس...
یرش البهجة
علی وش جهامة أیامك
دلوقتی ...
بیبكی ف سره
بیبكی ف سره
کل مایدخل ...
ویشوفك بتصارع غیبوبة كوابیسك
وتنادی علیها ..
یكتم شهقة فز عه ویرقیك
بدخان أوجاعه ..
یطلق ورد التسابیح

المزحومة ف حلقه ع الأركان الفاضية إلا من صدى كو ابيسك وبقايا سجايرك وديوان (لفؤاد حداد) وقصيدة من أوراق الغرفة (٨) مع كرمشة الورق المتنتور لقصايد خايبة ماعرفتش تنهيها... بنفس الدهشة اللي بتشبه صرخة طلق القلم اللي اتمرد .. على حدة وعيك و بلاهة سطحية إدراكك (للثَّابت والمتحول) حواليك النّابت دلوقتى ... عجزه وهوبيستنجد بيك ترحل وياه ...

لبلاد مافيهاش كوابيس كان دايماً يرسم ... _ على صفحة خيالاتك بالحواديت المحفورة ف روحه _ صورة جدك حامل عالمية لازهر اللى استقبل وش القبلة بسجدة طويلة يوم ماختمت ف حجره القرأن ودعالك بالبركة .. وبإنك تطلع عالم يومها دعاله بطولة العمر وقال له ياعالم! دلوقتى بيبكى علشان مش عارف يقرا .. اللى انت كتبته.. ف تل الأوراق الخرسا ..

المرمية قصاده

وبيندم ..

علشان مااتعلمش يفك الخط زمان

مع إنه بكل سهولة ...

كان بيفك العقد المربوطة

ف طرف لسان الحكايات

اللى انت مخبيها

ف أخر ركن ف قلبك ...

عن (رضوی)

كان بيرطب ..

صهد الرهبة ف شرايينك

بطراوة نظرة بتحضن مشوارك

لمحطة سيدى جابر كل خميس

سألك وانت بتهرب ف كتاب

مش عایز تقراه

إسمها إيه ؟

واتبسم لما لقاك بتلم حروفها

رصوى)
طبطب على رعشة خجلك
بسكاته الفاهم
ودخل لشقوق الخوف ...
اللى احتل براءة قلقك
ونفاه عن روحك
بعملك إيه ؟!
م انت اللى قفلت طريق قلبها...
بجنونك
من يوم ما قالتلك
سيبك م الشعر وشلة أصحابك
والكتب اللى حتلحس مخك
طرطشت عليها رعونة غضبك ..

ورجعت بتلعن ..

كل بنات الدنيا

ودخلت قفلت عليك ..

وسجنته معاك !!

من يومها...

موصى البنت جارتكم تسأل عنها ..

ترجع له بتتلجلج

وتقول له لسه مسافرة

دلوقتى إنتحرت أحلامه

ف إنك تطلع عالم!!

مابيتمناش غير إنك تطلع ..

تسرق نفسك ..

وتروح لمحطة سيدي جابر كل خميس

ما بيتمناش غير إنك ترحل وياه

لبلاد مافيهاش كوابيس

مش جايز ..

تتقابل مع (رضوی)

هناك ؟

وبقيت منذور للحزه

من يونية ٧٩
وانت بترفض ..
على انه حقيقة
على انه حقيقة
من يوم ماأخدها التاكسى ...
لمستشفى المواساه
واتنطرت من عينها اللهفة...
بتحضن خوفك
مع رعشة آخر حرف...
ف كلمة راجعالك
وانت مكدب ..
كل اللى بيحصل قدامك
العمال ...
الناي بتنصب قدام بيتكم

حشد قرايبك .. اللى اتملت الشقة بهمس نحيبهم فجأة واللى انت بقالك أكتر من ست سنين ما سمعتش عنهم حاجة صوت الطبلاوي الطالع من تسجيلكو الإيوا المركون على رف قديم ف الصالة أثر الصدمة البادية ... على وشوش اخواتك وسطحريم العيلة حتى الخطين الغامقين اللي اتحفروا ف وش أبوك مع ريحة الوجع الفايح من نظرة عينه تجاهك مع مسح إيديه على شعرك كل التفاصيل بتقول ..

إن انت بقيت منذور للحزن كان نفسك حد يقولك رى مابتشوف ف الأفلام العربى (سافرت لبعيد ..

وحتتأخر كام شهر هناك) كان نفسك حد يصد كهولة .. عيل جوّاك

مستنى نتيجة الابتدائية بعد يومين كل اللى عينيك شايفاه

تكرار لسيناريو

صحیت من نومك مفزوع

مش عايز تفتكره

مع إن (الموت ف الحلم حياه)

قالت كده قدامك ...

وانت مصدقها

طب لوماتت فعلاً

إيه ح يخليها تقولك (راجعالك)

إيه ح يخليها تسيبك ... تستنى حاجات أخدتها وح تموت وياها سبت الدنيا وراك بتعيط .. وبتنعى غيابها ودخلت أوضتها .. تحضن.، ف حضورها الطاغى على الموت مع حيرة أسئلتك اللي استعصى عليك تلاقى لها إجابة إلا ف (مستشفى الشاطبي) وقت ماغمرك إحساس بيفك طلاسم حيرتك دايماً قبل ماكنت بتوصله كات تتهدم كل جسور الحكايات اللي انت بقيت ... محسود علشانها من صحابك مع كل بنات الشارع
دايماً كات تفشل تاخدك
وتقرب بيك لجلاله
كل النزوات المرمية ...
ف هامش حواديتك
من حقك تفرح ..
ان انت ضحكت عليه ف الآخر
وفضلت مكدب
ألاعيبه اللي حفرها ذهول
ف وشوش اخواتك ..
وف قطمة ضهر أبوك قدام الدنيا
من حقك تفرح ..

بعد ماقدرت (همسة)

من خلف قزاز

حضَّانة ف مستشفى الشاطبي

ترجعلك

بنتيجة الابتدائية

اللى انت قعدت بتستناها

من يونيه ٧٩ ...

ولغاية يوليه ..

!! ٢..٣

آخر حصة جبر

ملعون الروماتويد !!
يعنى مانقاش
من وسط بنات الكون
غير أول روح
بتخطى معاها لعتبة حلمك ؟
أهى من يوم ..
م اختارها الزفت اللى اسمه ..
الروماتويد..
ماغسلتش وشك مرة بضحكتها
ماعادتش بتقدر تشرح لك
درس الجبربتاع سنة تانية اعدادى
وكمان مابقتش تجيبلك
أخبار البنت حبيبتك

بياخدوها تغير جو معاهم ما بقتش تضمك خايفاك تتعود ... ويزيد إحساس اليتم ف قلبك بغيابها ملعون الروماتويد !! دا كمان خلاها تخاف من سيرة الولد المزروع .. على أول ناصية ف أحاسيسها مع إنك لما بتدخل ... من وقت لتاني عليها بتلاحظ ... إنها بتخبى الدمعة اللى خانتها وجريت لإزاز الشباك .. بتبص عليه كات أول حدونة بنشبه .. حكايات الأساطير اتفطمت روحك بيها

كان أول مشهد صممت يكون لنهايته .. سيناريو بديل غير غضبة ابوك والعند المرعوب جواه خليته بشبح الحزن اللى بينهش فيها يفكر ف كلامك ويحاول يعمل إنه بيفهم .. ف مواد الثانوية العامة ويسأل (إيه أخبار الجبر بتاع ثانوى) ويقولك قبل ماتلحق تستغرب لو شفت الولد اللي اسمه .. (محمد يوسف) خليه يتنيل .. يجيى الجمعة الجاية مع اخواته حسیت إنه بیکدب ..

على نفسه
وأول مرة تحس إن الكدب جميل
وانك من وسط مواد الدنيا
عشقت الجبر!!
حسيت وانت بتجرى تبلغها
إنك هدهد
شايل على طرف جناحه ..
النبأ الأعظم
مع انك لحظتها عرفت الخوف
م الشيء ..
اللي اسمه الفرح

اللی اسمه الفرح حسیت إن انت حتفضل و لآخر ثانیة ف عمرك شایل ف رقبتك ذنب كبیر

......

ملعون الروماتويد !! حرمك من آخر حصة جبر وأول طابع حسن ف وش الدنيا وآخر حبة انفرطت من عقد الطيبة اللي مزين .. صدر الأيام حرمك ... من حضن البنت اللي بتبعت

من حضن البنت اللي بتبعد كل خشوع الارض...

بنظرة ..

لوش ..

السموات ؟!

إلحق واتشاهد

الله!!
مش دا محمد إبنك ؟
طب واقف كده ليه
ورا سور بالكونة وبيعيط ؟
بيشاور على مين ؟
بيشاور على ناس أشكالها غريبة
ف شارع ضلمة
عاملين كده ليه ؟
أيوه...
الناس دى بتشبه كائنات فضائية
زى اللى اتفرجت عليها..
ف سينما أمير
حافظ أشكالهم من يومها

ماسكين ف إيديهم بنت البنت دی مین ؟ يخرب بيت الضلمة مش عارف أتحقق منها كويس الواد بيعيط لسه وبينادي .. الله (همسه)!! واخدينها معاهم ليه ؟ ميت مرة تزعق لمراتك !! (عينك ع الأولاد) طب راحت فین ؟ لا هي جنب (محمد) ف البلكونة ولاحتى بتجرى ورا الكائنات اللي بندي (لهمسه) الشيكو لاتة ايه ... مالك عمال بتفلفص كده ليه ؟ الحالة دى إيه ؟

ما تكونش كابوس ؟!

مش ممكن…

أنا عارفك واخد ع الكوابيس

وحافظها كويس

فيه إيه

طب ليه مش قادر تتحرك

مخنوق كده ليه

الله ...

معقولة !!

طب إلحق...

واتشاهد !!



3 numalis arevõ

ح استأذن (ناجى العلى)
ف القلم اللي مامتش معاه
ومجاز (محمود درويش ٩
ف قصايد ما اتكتبتش
و(جاهين) ف برائته اللي اتقتلت
بعد هزيمة يونيه
ح استأذن (محمود مختار)
ف صوابعه اللي شايلها يادوبك
من تمثال النهضة
علشان أرسملك صورة
غير كل الصور اللي اترسمت ..
مافيهاش
مافيهاش

```
مافيهاش ...
آثار ات و فراعنة
يمكن..
لما و لادى يشدوا الحيل
ويبصوا عليها
تنزاح
لل
لل
ن
ن
ع
```

٨٠

بتفكرني بعريية إسعاف

(بينك حلم يستاهل نرويه لأخر نبضت حلم يستاهل نرويه لأخر نبضت ين فينا جايز يكون تحقيقه مش ساهل لكن وصولنا لشطه يكفيسنا)*

آسف لو كنت قاطعتك أصل انا من أكثر من أسبوع شايفك قاعد حتموت نفسك ف كتابة غنوة جديدة عن حلم مابينكم يستاهل ترويه وياها .. لأخر نبضة ف مشاعركم لامم كل بنات افكارك حواليك علشان تصطادلك

فكريكتبها ف غنوة !!

بالذمة ..

مش مكسوف على دمك !!

عارف ..

بالصدفة و من أسبوع أو أكتر

(لبنان)عمالة تقيس النبض وقلقانه

على حلم كمان يستاهل

متشعلق ننى عنيها على الباب

مستنية اللي ح بيجي وياخد بخاطرها

لا جيرانها اتفزعوا ودخلو عليها...

بقمصان النوم

على صوت أنبوبه بوتجاز ..

بتهد حيطان البيت

و لاحد اتجرأ من شنبات العيلة ..

وفكر يستاء

عارف (لبنان) ف اللحظة دى ..

افتكرت مين ؟!!

(لبنان) افتكرت ف اللحظة دى (سناء) أنا أسف يعنى ان كنت ضايقتك طب عارف لبنان دلوقتي .. بتفكرني بإيه ؟ .. \{\frac{1}{2}} مش بس بغنوة حزينة .. بصوت (فیروز) حاجة تغيظا عربية إسعاف مثلاً من غير تجهيز عارفة مكان الحادثة كويس لكن كل السكك اتقفات بزيارة وفد سياحي والوفد اتضايق جداً من صوت سارينتها المزعج مع إن صريخها... اللى مزلزل أركان الملكوت مش فارق خالص مع صوت العربيات مع صوت العربيات والعربيات مش عايزة توسّع ولا تدى إشارة يمين !! معذورة العربيات !! ماهو صوت الكاسيت ماهو صوت الكاسيت المقفولة عليه الشبابيك وبيرقص على لحن التكييف الناعم مش سايب فرصة لحس (منير) يتوضى بصهد جنوبها المجروح ويأذن ف الناس !! واتوضى بصهدك ياجنوب واتوضى بصهدك ياجنوب واصلى الفرض لحطيني واكتبلك عمرى المكتوب) **

أنا أسف يعنى ان كنت خنقتك عارف بتفكرنى بمين ؟ لأ مش (لبنان)
ولا حتى العربيات
بتفكرنى بواحد مش عايز أفتكره
إخييييييييه !!!
بقى مش مكسوف على دمك
عارف لو كنت مكانك ..
كنت اعمل إيه ؟
كنت أدور ..
على أقرب حيطة بكا
وأعلق فيها مرايه ...
وأعلق فيها مرايه ...
لأ مش علشان أبكى !!
ما انا عارفك طبعا منهم !
أنا قصدى تقف قدامها
وبآخر عزم ف روحك

تسحب ف حبال الريق الممدود من أغمق بقعة ف جوفك وتكومها ف حلقك وتسلمها لطرف لسانك علشان يحدفها ف وشك وساعتها ... أكيد ح افتكرك وأكيد ح اتعرف على شكل ملامحى الحقيقية !!

.....

^{*}مقطع من أغنية للشاعر

^{* *} المقطع من أغنية لمحمد منير كتبها الشاعر / جمال بخيت

بتغنی بره السرب (انی آلاء فرج مجاهد)

كل البنات مزغللة عيونها المصايف والكليبات الجديدة وفتنة الأفيشات [K (IKa) حلفت ملامحها ... اللي (شربت من قلل شربين) لتخاصم المكياج وتقوم تسهى سكوتنا وتحيى العلم (كل عين تعشق حليوة و إننى حلوة ف كل عين يًا حبيبًني قلبي عاشق و اسمحیّلي بکلّمتین كلمتين يا مصر يمكن هما آخر كلمتين حد ضامن يمشي آمن أو مِآمن يمشي فين!!) **

رفضت تسيب فرصة للهيب سؤالها الصعب يلسعنا لو الامتحان عربي حيجري إيه لو جاوبته بسؤ الين تاريخ ؟! خافت علينا من الجواب العفى عرفت منین إن اللي مستنى الورق ف الكنترول مخبر من الكاوبوى موعود بترقية ؟ عرفت منين إن كاميرات اللجان بتراقب التنهيد ؟ كل البنات ... مشغولة بالموضة الجديدة لروج مابيبقعش .. على ياقة القمصان

لكن (آلاء) زى اشتباك الصبح مع شمس النشيد طلعت عشان تخدش حياء ... وقفة طابور المدرسة وتغير ال

ج !!

^{**} مابين الاقواس من أغنية كلمتين لمصر للسَّاعر الكبير / أحمد فواد نجم .

٩.

قعدة عرب

إلى الشاعر الكبير / سنِد حجاب بمناسبة قصيدته (حاول ماتبكيش)

لولا انى متأكد قوى
من إن نظرى سليم
وان اللى شفته بعينى كان صورتك
وتحتها إسمك ببنط عريض
أنا كنت جبت العيب على المطبعة
وفعلها الفاضح
بس الحقيقة بكل رزالتها
قطعت خطوط الرجعة على ظنى
وقت انفلات الشعر من إيدك
وكأنه سحبة قوس ف أوتار كمان)
طب دا انت ماعتقتش وجع ..

كنت المغنى الرزين (اللي استقام له الجسر) .. بين أمسنا وبين حروف ... (جايبة الصباح الرباح) إزاى تسيب نفسك لريح شاردة تاخدك على خوانة ؟ إز ای ... برغم (الهالة والهيلمان) (تغشك المرايات) وتسرسبك لخية الأعذار وانت اللي ياما بنايك العايق جبّرت (كسر الروح ف دوح الوطن) (شاهت وشوش) غناويك ف مراية الدلالات أنا كنت حالف أقعدك قعدة عرب و آخد ف ایدی ...

(المعنى الأعمى) ١٠ للقعدة علشان يشوف للشعر صرفة معلك ويشهد القاعدين من شلة (البلالات) ٢٠ ويجردك من وشك البويا ... اللي مش لايق عليك يمكن يعود للوتر سماحة النية أنا كنت حالف ... بس ماقدرتش وبكيت وانا ف إيدى (صياد وجنية) ٢٠ .

^(*) مابين الاقواس من أعمال الشّاعر سيد حجاب الدر امية

⁽١) قصيدة للشاعر سيد حجاب.

 ⁽ ۲) إشارة لقصيدة الشاعر سيد حجاب (الموت ف عز الفحر).

⁽ ٣) الدَّيُوأن الأول للشاعر سيد حجاب .

ماسك ف تلابيب الخروج

وما كانش ممكن...

یبتدی خروجی
غیر لما یأنن لی البراح
بالهجرة م المجهول
و لا كانش فیه...
قدامی تانی بدیل مناح
غیر إنی أقبل اعیش مدان
بالهرولة لمرافیء الجدب ...
المراوغ بالخضار
ف عیون ما حستش الأمان
لا ف دفا ضلی الفسیح
کل الأمانی اللی انتمت للغیم
و عاشت ...
مستفزیة تجاه ماضیها اللی انتسب ...

للحلم بالعصيان إستنفرت همم التمرد وابتدت تكتب عرايض الاتهام... ضدی !! لحظة مافكيت القيود عن حلمها المسعور ولا عمرها ... راودت مرايات رفضها - رغم إنحسار سيل الامل عن وادى دنياها العبوس -إلا قصاد سعييّ الغبي لإنى اهدهد حزنها المغدور هجمت عليا بعريها الجاحد بجيوش تدافع عن تدانيها الضرير من هوة النهايات وكأنها... عشقت أنانية طموحها المستحيل

ف الإنبهار بالزيف لحظة دخولها لمملكة ظنّى النبيل دمى الحسيس خانـــــــــــــــــــــ بلجوئه للسكات وانتجحت جوايا أوجاعى لما رضيت أستفتى ع المحسوم وكتبت مزامير انسحابى للتلاشى المستباح وبدأت أحس ... بطعم أهوال الخروج ... صفر اليدين إيه اللي كان ينبغي ؟!! علشان أعيد سيرة صياغات إستيعابي للوجود؟! وإيه ماكانش مباح .. لحظة أفول الخوف ؟

و لإمتى ح افضل كده ...؟ و اقف على حافة بكايا ... وبارتجف !!! ماسك ف تلابيب الخروج عن هوجة المألوف ؟!

فض اشتباق

يا زقزقات....
عصفور غنايا اللى ابتدت
تبهت ملامح دهشته
برجوع صداه ..
خالى الوفاض
من غير غنيمة
فجر معناه البرىء
فجر معناه البرىء
حرضتى ليه فيا انبهارى
بالشروق المستحيل ؟
بعد اما حرفى المنطوى
من ركن منفاه الاختيارى
استعذبه لون الشفق
مسارك بالدخول
لجنون بكارة الارتباك ؟

مش باقی قدامی اختیار غیر إنی افادی مفرداتی ... مفرداتی می التورط ... ف النشاز ف النشاز و أعری ظهری ... للقصیده عشان أف

ض الإشتباك!!

1.1

الفعيس

مد خ ل	٩
فوبيا	11
شرنقة	۱۳
إيه اللي عَجَبَك ف الغنا ؟	10
شياط البرفانات	۱۷
تشريفة	44
موت ا خ تیاری	**
بقى شكلنا بايخ	۳۱
كان لازم ألبس كرافتة ونظارة	٣٥
حلم سكوووب	44
و كأنك مش واخد بالك	٤٩

٥٣	تمللي تطلعلي لسانها
٥٧	مافيهاش كوابيس
74	وبقيت منذور للحزن
٦٩	آخر حصة جبر
٧٥	إلحق و اتشاهد
V 9	ح ارسملك صورة
۸١	بتفكرنى بعربية إسعاف
۸٧	بتغنى بره السرب
41	قعدة عرب
90	ماسك ف تلابيب الخروج
4.	فض اشتباك